



Broj/Broj: 01/a – 50 – 1 – 15 - 66/09  
Sarajevo/Sarajevo: 16. 12. 2009.

**ZAPISNIK**  
**66. sjednice Predstavničkog doma**  
**Parlamentarne skupštine Bosne i Hercegovine,**  
**održane 16. 12. 2009. godine**

Sjednica je počela u 10 sati. Prisustvovalo je 39 poslanika.

Opravdano je odsustvovao Zlatko Lagumdžija.

Iz Vijeća ministara BiH sjednici su prisustvovali ministri: Bariša Čolak, Sredoje Nović, Dragan Vrankić, Safet Halilović, Rudo Vidović te zamjenici ministara Srđan Arnaut i Fuad Kasumović.

Iz međunarodnih organizacija sjednicu su pratili predstavnici: OHR-a, OSCE-a, EUSR-a, EUPM-a, USAID/PSP u BiH, Ambasade Velike Britanije i Japana, te nevladine organizacije Centri civilnih inicijativa.

Na početku sjednice, u okviru prethodnih pitanja, predsjedavajući Milorad Živković informirao je Dom o sljedećem:

- a) da je Klub poslanika SDP-a imenovao poslanika Mirjanu Malić za predsjedavajuću Kluba poslanika SDP-a,
- b) da je Kolegij Doma postigao saglasnost o Prijedlogu zaključka poslanika Šefika Džaferovića „da se na idućoj sjednici uvrsti u dnevni red tačka pod nazivom - Informacija Vijeća ministara BiH o stanju i preduzetim aktivnostima u BiH na preventivnoj zaštiti i borbi protiv virusa gripa A (H1N1), tako da se ta tačka danas nalazi na dnevnom redu sjednice (tačka 17).

Nakon prethodnih pitanja, predsjedavajući je dao uvodne napomene u vezi sa izmjenama i dopunama prijedloga dnevnog reda. Obrazložio je skidanje tačke dnevnog reda na zahtjev nadležne komisije kao i dodavanje novih tačaka.

U raspravi o dnevnom redu učestvovali su: Milorad Živković, Šefik Džaferović, Beriz Belkić, Remzija Kadrić, Azra Hadžiahmetović, Drago Kalabić, Niko Lozančić, Savo Erić, Šemsudin Mehmedović, Adem Huskić i Slavko Jovičić.

Nakon toga, predsjedavajući je stavio na glasanje prijedlog da se s dnevnog reda sjednice skinu tačke 6. i 7. - Zahtjev poslanika Azre Hadžiahmetović za razmatranje Prijedloga zakona o izmjenama i dopunama Zakona o Tužilaštvu BiH po hitnom postupku, u skladu sa članom 127. Poslovnika, Zakon broj: 01-02-5-119/09, od 15. 12. 2009., i Zahtjev poslanika Azre Hadžiahmetović za razmatranje Prijedloga zakona o dopunama Zakona o Sudu BiH po hitnom postupku, u skladu s članom 127. Poslovnika, Zakon broj: 01-02-5-118/09, od 15. 12. 2009.

„Za“ prijedlog je glasalo devet poslanika (iz Republike Srpske), „protiv“ je glasalo 17 poslanika (iz Federacije BiH 16, iz Republike Srpske jedan) a tri poslanika bila su „suzdržana“, te je predsjedavajući konstatirao da ovaj prijedlog nije usvojen i da navedena dva zahtjeva ostaju u dnevnom redu 66. sjednice.

Zatim se Dom izjašnjavao o prijedlogu da se s dnevnog reda skine tačka 4. Potvrđivanje Odluke predsjedavajućeg Vijeća ministara BiH o smjeni ministra za ljudska prava i izbjeglice u Vijeću ministara BiH i tačka 5. Informacija Vijeća ministara BiH o razlozima kašnjenja ratifikacije Konvencije UN-a o pravima lica s invaliditetom i Opcionalnog protokola (u skladu sa zaključkom Doma sa 65. sjednice, održane 7. 12. 2009.) jer nema predlagača.

„Za“ prijedlog je glasalo 11 poslanika (iz Federacije BiH tri, iz Republike Srpske osam), „protiv“ je glasalo 14 poslanika (iz Federacije BiH 13, iz Republike Srpske jedan), a tri poslanika bila su „suzdržana“ te je predsjedavajući konstatirao da ni ovaj prijedlog nije usvojen, te ove dvije tačke ostaju u dnevnom redu.

S obzirom da je u toku sjednice stiglo Obavještenje s 39. sjednice Doma naroda, u kojem se, između ostalog, navodi i to da je Dom naroda imenovao tri člana u Zajedničku komisiju oba doma za usaglašavanje identičnog teksta Zakona o Agenciji za prevenciju korupcije i koordinaciju borbe protiv korupcije, Zajedničku komisiju oba doma za usaglašavanje identičnog teksta Zakona o dopuni Zakona o službenom glasilu BiH te u Zajedničku komisiju oba doma za usaglašavanje identičnog teksta Zakona o izmjenama i dopunama Zakona o ministarstvima i drugim organima uprave BiH, predsjedavajući je napravio pauzu od 10 minuta kako bi se održala sjednica Kolegija u proširenom sastavu.

Nakon završene pauze, predsjedavajući je obavijestio Dom da se u dnevni red 66. sjednice, bez glasanja, uvrštavaju sljedeće tačke:

22. Imenovanje tri poslanika iz Predstavničkog doma u Zajedničku komisiju oba doma za usaglašavanje identičnog teksta Zakona o Agenciji za prevenciju korupcije i koordinaciju borbe protiv korupcije,
23. Imenovanje tri poslanika iz Predstavničkog doma u Zajedničku komisiju oba doma za usaglašavanje identičnog teksta Zakona o dopuni Zakona o službenom glasilu BiH,
24. Imenovanje tri poslanika iz Predstavničkog doma u Zajedničku komisiju oba doma za usaglašavanje identičnog teksta Zakona o izmjenama i dopunama Zakona o ministarstvima i drugim organima uprave BiH.

Predsjedavajući je za 66. sjednicu Predstavničkog doma konstatirao sljedeći

## **D N E V N I R E D**

1. Usvajanje zapisnika 64. i 65. sjednice Predstavničkog doma;
2. Poslanička pitanja:
  - a) Komentari na dobivene odgovore,
  - b) Nova poslanička pitanja;
3. Prijedlog zakona o Budžetu institucija BiH i međunarodnih obaveza BiH za 2010. godinu, predlagač: Predsjedništvo BiH, zakon broj 01, 02 – 02 – 4 – 110 / 09, od 24. 11. 2009. (prvo čitanje);
4. Potvrđivanje odluke predsjedavajućeg Vijeća ministara BiH o smjeni ministra za ljudska prava i izbjeglice u Vijeću ministara BiH;
5. Informacija Vijeća ministara o razlozima kašnjenja ratifikacije Konvencije UN-a o pravima lica sa invaliditetom i Opcionalnog protokola (u skladu sa zaključkom Doma sa 65. sjednice, održane 7. 12. 2009.);

6. Zahtjev poslanika Azre Hadžiahmetović za razmatranje Prijedloga zakona o izmjenama i dopunama Zakona o Tužilaštvu BiH po hitnom postupku, u skladu s članom 127. Poslovnika, Zakon broj: 01-02-5-119/09, od 15. 12. 2009.,
7. Zahtjev poslanika Azre Hadžiahmetović za razmatranje Prijedloga zakona o dopunama Zakona o Sudu BiH po hitnom postupku, u skladu s članom 127. Poslovnika, Zakon broj: 01-02-5-118/09, od 15. 12. 2009.,
8. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o javnim nabavkama, predlagač: poslanik Bajazit Jašarević (zakon u drugom čitanju);
9. Prijedlog zakona o izmjenama i dopunama Zakona o carinskoj tarifi BiH, predlagač: Vijeće ministara BiH, zakon broj: 01, 02 – 02 – 105 /09, od 17. 11. 2009. (prvo čitanje);
10. Prijedlog zakona o izmjeni Zakona o državnoj službi u institucijama BiH, predlagač: Vijeće ministara BiH, zakon broj: 01, 02 – 02 – 7 - 104 /09, od 9. 11. 2009. (prvo čitanje);
11. Prijedlog zakona o dopuni Zakona o zaduživanju, dugu i garancijama Bosne i Hercegovine, predlagač: Vijeće ministara, zakon broj: 01 – 02 – 02 – 4 – 106/09, od 18. 11. 2009. (prvo čitanje);
12. Prijedlog zakona o sprečavanju nereda na sportskim takmičenjima u BiH, predlagači: poslanici Adem Huskić, Remzija Kadrić i Mehmed Suljkanović, zakon broj: 01, 02 – 5 – 101 /09, od 3. 11. 2009. (prvo čitanje);
13. Prijedlog zakona o dopuni Zakona o porezu na dodatu vrijednost, predlagači: Klub poslanika SNSD-a, zakon broj: 01, 02 – 4 – 35 /09, od 10. 4. 2009., s mišljenjem Komisije za finansije i budžet;
14. Prijedlog zakona o Ustavnom sudu BiH, predlagač: poslanik Momčilo Novaković, zakon broj: 01, 02 – 02 – 5 – 93 /09, od 13. 10. 2009., s mišljenjem Ustavnopravne komisije;
15. Izvještaj Zajedničke komisije oba doma o postizanju saglasnosti o identičnom tekstu Zakona o izmjenama i dopunama Zakona o sportu u BiH;
16. Izvještaj Zajedničke komisije oba doma o postizanju saglasnosti o identičnom tekstu Zakona o kontroli vanjskotrgovinskog prometa robe i usluga od strateške važnosti za bezbjednost Bosne i Hercegovine;
17. Informacija Vijeća ministara o stanju i preduzetim aktivnostima u BiH na preventivnoj zaštiti i borbi protiv virusa gripa A (H1N1);
18. Izvještaj komisije Kolegija o nastojanju za postizanje saglasnosti o Prijedlogu rezolucije o historijskoj vrijednosti i važnosti Prvog zasjedanja ZAVNOBiH-a (25. novembar 1943.) za državnost Bosne i Hercegovine, predlagač: poslanik Denis Bećirović);
19. Razmatranje zaključaka o smanjenju plaća i ostalih materijalnih prava poslanika i delegata u Parlamentarnoj skupštini BiH (usvojen prijedlog Denisa Bećirovića za razmatranje na nastavku 64. sjednice Doma, održane 7. 12. 2009.);
20. Izjašnjavanje o Zahtjevu Istražne komisije za provjeru navoda o raspodjeli CEMT dozvola za produženje roka za dostavljanje izvještaja,
21. Prijedlog za imenovanje Mirsada Salkića, diplomiranog inženjera elektrotehnike, za člana Državne regulatorne komisije za električnu energiju (prijedlog Vijeća ministara, akt broj: 03 – 28 – 1119 / 09, od 3. 11. 2009.);
22. Imenovanje tri poslanika iz Predstavničkog doma u Zajedničku komisiju oba doma za usaglašavanje identičnog teksta Zakona o Agenciji za prevenciju korupcije i koordinaciju borbe protiv korupcije,

23. Imenovanje tri poslanika iz Predstavničkog doma u Zajedničku komisiju oba doma za usaglašavanje identičnog teksta Zakona o dopuni Zakona o službenom glasilu BiH,
24. Imenovanje tri poslanika iz Predstavničkog doma u Zajedničku komisiju oba doma za usaglašavanje identičnog teksta Zakona o izmjenama i dopunama Zakona o ministarstvima i drugim organima uprave BiH,
25. Davanje saglasnosti za ratifikaciju:
  - a) Štokholmske konvencije o postojanim organskim zagađivačima, Štokholm, 22. maja 2001.,
  - b) Konvencije o privremenom uvozu – ATA Carnet, Istanbul, 26. juli 1990.

#### **Ad. 1. Usvajanje zapisnika 64. i 65. sjednice Predstavničkog doma**

Nije bilo rasprave o Zapisniku.

Zapisnici 64. i 65. sjednice usvojeni su s 36 glasova „za“ (iz Federacije BiH 24, iz Republike Srpske 12), jednim glasom „protiv“ i bez „sadržanih“ glasova.

#### **Ad. 2. Poslanička pitanja**

Predsjedavajući Milorad Živković konstatirao je da su od prošle do ove sjednice odgovore na pitanja dobili:

- Željko Kuzmanović - od Vijeća ministara BiH, na pitanje postavljeno na 62. sjednici,
- Salko Sokolović - od Vijeća ministara BiH, na pitanje postavljeno na 62. sjednici,
- Jerko Ivanković Lijanović - od Vijeća ministara BiH, na pitanje postavljeno na 61. sjednici,
- Rifat Dolić - od Vijeća ministara BiH, na pitanje postavljeno na 55. i 61. sjednici i od Uprave za indirektno oporezivanje, na pitanje postavljeno na 61. sjednici,
- Azra Alajbegović - od Vijeća ministara BiH, na pitanje postavljeno na 56. sjednici
- Denis Bećirović – od Vijeća ministara BiH, na pitanje postavljeno na 62. i 63. sjednici (dva odgovora), te od Ministarstva sigurnosti BiH, Ministarstva vanjskih poslova BiH, Ministarstva odbrane BiH, Ministarstva finansija i trezora BiH i Kolegija Doma, na pitanja postavljena na 63. sjednici,
- Husein Nanić - od Vijeća ministara BiH, na pitanja postavljena na 61. i 62. i 61. sjednici,
- Azra Hadžiahmetović – od Visokog sudskog i tužilačkog vijeća BiH, na pitanje postavljeno na 63. sjednici,
- Remzija Kadrić – od Radio-televizije BiH, na pitanje postavljeno na 63. sjednici,
- Martin Raguž - od Ministarstva finansija i trezora BiH, na pitanje postavljeno na 63. sjednici,
- Vinko Zorić - od Vijeća ministara BiH, na pitanje postavljeno na 54. sjednici,
- Adem Huskić - od Vijeća ministara BiH, na pitanje postavljeno na 50. sjednici,
- Mirko Okolić - od Vijeća ministara BiH, na pitanje postavljeno na 15. sjednici,

- Milorad Živković - od Vijeća ministara BiH, na pitanje postavljeno na 28. i od Ministarstva vanjskih poslova na pitanje postavljeno na 63. sjednici.

Dobivene odgovore komentirali su: Mirko Okolić, Martin Raguž, Husein Nanić i Milorad Živković.

U okviru komentara na dobivene odgovore, ponovljena su ranije postavljena pitanja kako slijedi:

#### **Mirko Okolić**

„Zbog čega je informacija, odnosno odgovor na moje poslaničko pitanje trebalo da bude preko 2,5 godine u proceduri za odgovor?“

#### **Milorad Živković**

„Šta će konkretno učiniti Ministarstvo vanjskih poslova BiH kako bi se u što kraćem roku osigurala mogućnost našim građanima da zadrže i dalje bosanskohercegovačko ali i australijsko državljanstvo?“

#### **Husein Nanić**

„Ovom prilikom iniciram, znači Kolegiju i zaduženim institucijama da pokrenu proceduru formiranja parlamentarnog odbora za stabilizaciju i pridruživanje što je naša i obaveza da uradimo. „

#### **Martin Raguž**

„BiH još uvijek, prema službenim pokazateljima, ima izrazito neriješen problem povratka i to za više od 200 hiljada izbjeglih i raseljenih lica koji se žele vratiti svojim domovima. Za ovaj posao neophodno je obnoviti oko 45 hiljada stambenih jedinica i osigurati uslove za održivi povratak. Minimalna procijenjena vrijednost ovih aktivnosti iznosi blizu milijardu KM. U tom smislu Vijeće ministara BiH i Parlamentarna skupština BiH zadužili su bili Ministarstvo za ljudska prava i izbjeglice i Ministarstvo finansija i trezora BiH da nađu povoljne kreditne aranžmane u inozemstvu za finansiranje i realiziranje ovog projekta do kraja. Tražim od Ministarstva za ljudska prava i izbjeglice BiH i Ministarstva finansija i trezora BiH da odgovore na pitanje: **„U kojoj je fazi realizacija ovih zaključaka Parlamentarne skupštine BiH, kakvi su dosadašnji učinci i kakve su projekcije za naredni period?“**

Zatim je Šemsudin Mehmedović predložio da se poslanička pitanja samo dostave u pisanoj formi, bez usmenog obrazloženja na sjednici.

„Za“ ovaj prijedlog glasalo je 19 poslanika (iz Federacije BiH 16, iz Republike Srpske tri), „protiv“ je glasalo 11, a dva su bila „suzdržana“, te je predsjedavajući konstatirao da nema dovoljne entitetske većine. Kolegij je odmah izvršio usaglašavanje i kako nije postignuta saglasnost, prešlo se u drugi krug glasanja.

„Za“ je glasalo 19 poslanika (iz Federacije BiH 16, iz Republike Srpske tri), „protiv“ 12 (iz Federacije BiH sedam, iz Republike Srpske pet), a jedan poslanik bio je „suzdržan“, te je predsjedavajući konstatirao da je prijedlog Mehmeda Suljkanovića usvojen.

Nova poslanička pitanja postavljena su u pisanoj formi kako slijedi:

### **Šemsudin Mehmedović**

„Iz medija sam saznao da je RTRS počela emitiranje programa digitalnom tehnologijom na 61.kanalu. Da li ovaj javni servis ima odobrenu frekvenciju za ovo emitiranje, te ako je odgovor negativan, šta ćete učiniti da se ovaj upad u sistem javnog emitiranja programa sankcionira, te da se više ne ponovi?“

### **Husein Nanić**

1. a) Da li je Ministarstvo uradilo finansijske pokazatelje i napravilo procjenu potrebnih sredstava za primjenu Konvencije UN-a o pravima lica s invaliditetom i Opcionalnog protokola?  
b) Koji su sljedeći koraci koje je potrebno preduzeti kako bi se Konvencija počela primjenjivati?  
c) Koliki je broj lica koja sada ostvaruju pravo po osnovu neratne invalidnosti, posebno u Federaciji i RS-u i kolika su finansijska izdvajanja iz budžeta za te kategorije, s obzirom da se iz medija može saznati da postoji nesrazmjeran odnos, kako u broju tako i u sredstvima u dva entiteta.
2. Na 55. sjednici Predstavničkog doma Parlamentarne skupštine BiH, održanoj 10. juna 2009., tražio sam informaciju o statusu zahtjeva da se za počasnog konzula u Republici Sloveniji imenuje gosp. Smail Festić i do danas nisam dobio odgovor, te ponavljam isto pitanje.  
Istovremeno tražim informaciju o statusu zahtjeva za imenovanje počasnog konzula u Italiji gosp. Medage Hodžića, te tražim informaciju i spisak svih počasnih konzula BiH u svijetu.
3. Koji su razlozi za nemogućnost izdavanja pasoša u DKP -ima? U kojim je DKP-ima omogućeno a u kojim nije izdavanje pasoša i kada će se omogućiti da bh. građani u dijaspori mogu izvaditi biometrijske pasoše u svim DKP-ima?

### **Remzija Kadrić**

1. Iz kojih razloga nije ispoštovana proporcionalna zastupljenost, kao i ostalih u sastavu Komisije za državnu imovinu?
2. Da li je suprotno zakonu raspisan javni konkurs za izbor i imenovanje direktora i zamjenika direktora Agencije za rad i zapošljavanje BiH, a koji je objavljen dana 16. 12. 2009.?

### **Milorad Živković**

„Da li je tačno da je RAK izdao nalog kojim se Radio-televiziji Republike Srpske zabranjuje emitiranje digitalnog signala i to bez prava žalbe? Na osnovu kojeg zakonskog, podzakonskog ili drugog akta je RAK donio takvu odluku i koje je pravno obrazloženje i osnov za njeno donošenje?“

### **Sadik Bahtić**

„Na osnovu kojih kriterija i na čiji prijedlog je Vijeće ministara BiH imenovalo novu Komisiju za državnu imovinu?“

### **Jerko Ivanković Lijanović**

„Zašto ste u mišljenju o Prijedlogu zakona o izmjenama Zakona o akcizama u BiH dostavili lažne podatke o mogućim cijenama cigareta nakon eventualnog usvajanja Prijedloga zakona o izmjenama Zakona o akcizama u BiH i time naveli Komisiju za finansije i budžet Predstavničkog doma da da negativno mišljenje na pomenute izmjene Zakona?“

## **Rifat Dolić**

1. „Inicijativa Vijeću ministara BiH da Parlamentarnoj skupštini BiH dostavi informaciju o stanju, naučnoj valorizaciji i perspektivama geološkog lokaliteta „Visočke piramide“ u Visokom.
2. „Šta Vijeće ministara BiH namjerava preduzeti u pravcu zaštite i vraćanja preostale imovine BiH, njenih firmi i građana koja se nalazi u Srbiji, nakon što je prije nekoliko dana istekao i treći rok za reguliranje statusa ove imovine koji je dala Vlada Republike Srbije i na koji su se matične firme i zvanične entitetske i državne institucije potpuno oglušile, kao da se radi o nečijoj tuđoj a ne o njihovoj i imovini njihovih građana?“

## **Azra Alajbegović**

„Potrebno je da Vijeće ministara BiH, u saradnji s entitetskim vladama i ministarstvima (RS, FBiH i Brčko Distrikt), definiira osnovni paket socijalnih prava i pripremi prijedlog za restrukturiranje socijalnih davanja u skladu s Revidiranom socijalnom poveljom i Kovencijom Ujedinjenih naroda o pravima lica s invaliditetom.“

### **Ad. 3. Prijedlog zakona o Budžetu institucija BiH i međunarodnih obaveza BiH za 2010. godinu, predlagač: Predsjedništvo BiH, zakon broj 01, 02 – 02 – 4 – 110 / 09, od 24. 11.2009. (prvo čitanje)**

Nakon kratkih uvodnih napomena predsjedavajućeg, u raspravi su učestvovali: Sadik Bahtić, Rifat Dolić, Šefik Džaferović, Husein Nanić, Vinko Zorić, Lazar Prodanović, Beriz Belkić, Velimir Jukić, Momčilo Novaković, Savo Erić, Mirko Okolić, Milica Marković, Bajazit Jašarević, Milorad Živković, Selim Bešlagić, Remzija Kadrić, Ekrem Ajanović i Niko Lozančić. U raspravi je učestvovao i ministar finansija i trezora BiH Dragan Vrankić.

„Za“ Prijedlog zakona glasala su 23 poslanika (iz Federacije BiH 21, iz Republike Srpske dva), „protiv“ je glasalo 13, a jedan poslanik bio je „suzdržan“, te je predsjedavajući konstatirao da nema dovoljne entitetske većine. Kolegij je odmah izvršio usaglašavanje i kako nije postinuta saglasnost, prešlo se u drugi krug glasanja.

U drugom krugu sa 22 glasa „za“ (iz Federacije BiH 21, iz Republike Srpske jedan), 15 glasova „protiv“ (iz Federacije BiH tri, iz Republike Srpske 12) i bez „suzdržanih“ glasova, Prijedlog zakona odbijen je u prvom čitanju.

### **Ad. 4. i 5.**

Nakon što je Milorad Živković dao uvodne napomene, u raspravi su učestvovali: Azra Hadžiahmetović, Drago Kalabić, Adem Huskić, Rifat Dolić, Denis Bećirović, Šemsudin Mehmedović, Momčilo Novaković, Beriz Belkić, Šefik Džaferović, Milorad Živković, Husein Nanić, Mirko Okolić, Martin Raguž, Slavko Jovičić, Drago Kalabić i Slavko Matić.

Dom, s 12 glasova „za“ (iz Federacije BiH dva, iz Republike Srpske 10), 21 glasom „protiv“ (iz Federacije BiH 20, iz Republike Srpske jedan) i četiri „suzdržana“ glasa, nije potvrdio Odluku predsjedavajućeg Vijeća ministara BiH o smjeni ministra za ljudska prava i izbjeglice u Vijeću ministara BiH.

Zatim je Dom, bez glasanja, primio k znanju Informaciju Vijeća ministara BiH o razlozima kašnjenja ratifikacije Konvencije UN-a o pravima lica s invaliditetom i Opcionalnog protokola (u skladu sa zaključkom Doma sa 65. sjednice, održane 7.12.2009.)

## **Ad. 6. i 7.**

Milorad Živković dao je kratke uvodne napomene. U raspravi su učestvovali: Remzija Kadrić, Azra Hadžiahmetović, Milorad Živković, Beriz Belkić, Šefik Džaferović, Milica Marković, Mirko Okolić, Velimir Jukić, Selim Bešliagić, Niko Lozančić, Sefer Halilović, Denis Bećirović, Lazar Prodanović, Momčilo Novaković i Ekrem Ajanović.

„Za“ Zahtjev poslanika Azre Hadžiahmetović za razmatranje Prijedloga zakona o izmjenama i dopunama Zakona o Tužilaštvu BiH po hitnom postupku, u skladu s članom 127. Poslovnika, glasala su 24 poslanika (iz Federacije BiH 23, iz Republike Srpske jedan), „protiv“ je glasalo 12 poslanika, a jedan poslanik bio je „suzdržan“. Predsjedavajući je konstatirao da nema dovoljne entitetske većine, te da će se Kolegij kao komisija pokušati usaglasiti u roku od tri dana, o čemu će obavijestiti Dom.

Zatim je Dom glasao o Zahtjevu poslanika Azre Hadžiahmetović za razmatranje Prijedloga zakona o dopunama Zakona o Sudu BiH po hitnom postupku, u skladu s članom 127. Poslovnika.

„Za“ Zahtjev je glasalo 25 poslanika (iz Federacije BiH 24, iz Republike Srpske jedan), „protiv“ je glasalo 12 poslanika, i niko od poslanika nije bio „suzdržan“. Predsjedavajući je konstatirao da nema dovoljne entitetske većine, te da će se Kolegij kao komisija pokušati usaglasiti u roku od tri dana, o čemu će obavijestiti Dom.

## **Ad. 8. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o javnim nabavkama BiH, predlagač: poslanik Bajazit Jašarević ( zakon u drugom čitanju)**

Predsjedavajući je rekao da Kolegij nije postigao saglasnost te da se Dom izjašnjava u drugom krugu o Prijedlogu zakona u drugom čitanju.

S 25 glasova „za“ (iz Federacije BiH 21, iz Republike Srpske četiri), osam glasova „protiv“ i dva „suzdržana“ glasa, Dom je usvojio Prijedlog zakona o izmjenama i dopunama Zakona o javnim nabavkama BiH u drugom čitanju.

## **Ad. 9. Prijedlog zakona o izmjenama i dopunama Zakona o carinskoj tarifi BiH, predlagač: Vijeće ministara BiH, zakon broj: 01, 02 – 02 – 105 /09, od 17.11.2009. (prvo čitanje)**

Nakon što je predsjedavajući dao kratke uvodne napomene, u raspravi su učestvovali: Mehmed Suljkanović, Velimir Jukić, Momčilo Novaković i Slavko Jovičić.

„Za“ Prijedlog zakona glasala su 22 poslanika (iz Federacije BiH 20, iz Republike Srpske dva), niko nije glasao „protiv“, a 14 poslanika bilo je „suzdržano“. Predsjedavajući je konstatirao da nema dovoljne entitetske većine, te da će se Kolegij kao komisija pokušati usaglasiti u roku od tri dana, o čemu će obavijestiti Dom.

## **Ad.10. Prijedlog zakona o izmjeni Zakona o državnoj službi u institucijama BiH, predlagač: Vijeće ministara BiH, zakon broj: 01, 02 – 02 – 7 - 104 /09, od 9.11.2009. (prvo čitanje)**

Nakon uvodnih napomena predsjedavajućeg, nije bilo rasprave u okviru ove tačke dnevnog reda.



S 34 glasa „za“ (iz Federacije BiH 21, iz Republike Srpske 13), bez glasova „protiv“ i tri „suzdržana“ glasa, Prijedlog zakona usvojen je u prvom čitanju.

**Ad.11. Prijedlog zakona o dopuni Zakona o zaduživanju, dugu i garancijama BiH, predlagač: Vijeće ministara BiH, zakon broj: 01 – 02 – 02 – 4 – 106/09, od 18.11.2009. (prvo čitanje)**

Nakon kraćih uvodnih napomena predsjedavajućeg, nije bilo rasprave u okviru ove tačke dnevnog reda.

Dom je, s 31 glasom „za“ (iz Federacije BiH 21, iz Republike Srpske 10), bez glasova „protiv“ i šest „suzdržanih“ glasova, usvojio Prijedlog zakona u prvom čitanju.

**Ad.12. Prijedlog zakona o sprečavanju nereda na sportskim takmičenjima u BiH, predlagači: poslanici Adem Huskić, Remzija Kadrić i Mehmed Suljkanović, zakon broj: 01, 02 – 5 – 101 /09, od 3.11.2009. (prvo čitanje)**

Predsjedavajući Živković dao je uvodne napomene, nakon čega su u raspravi učestvovali: Adem Huskić, Vesna Šain i Slavko Matić.

„Za“ Prijedlog zakona glasala su 24 poslanika (iz Federacije BiH 23, iz Republike Srpske jedan), devet poslanika bilo je „protiv“ a tri su bila „suzdržana“. Predsjedavajući je konstatirao da nema dovoljne entitetske većine. Kolegij je odmah izvršio usaglašavanje i kako nije postinuta saglasnost, prešlo se u drugi krug glasanja.

U drugom krugu, Predstavnički dom je, s 24 glasa „za“ (iz Federacije BiH 23, iz Republike Srpske jedan), 12 glasova „protiv“ (iz Republike Srpske) i bez „suzdržanih“ glasova, odbio Prijedlog zakona u prvom čitanju.

**Ad.13. Prijedlog zakona o dopuni Zakona o porezu na dodatu vrijednost, predlagači: Klub poslanika SNSD-a – zakon broj: 01, 02 – 4 – 35 /09, od 10.4.2009., s mišljenjem Komisije za finansije i budžet**

Nakon kraćih uvodnih napomena predsjedavajućeg, nije bilo rasprave u okviru ove tačke dnevnog reda.

„Za“ Mišljenje Komisije glasalo je 20 poslanika (iz Federacije BiH 19, iz Republike Srpske jedan), 17 poslanika bilo je „protiv“, a niko nije bio „suzdržan“. Predsjedavajući je konstatirao da nema dovoljne entitetske većine. Kolegij je odmah izvršio usaglašavanje i kako nije postinuta saglasnost, prešlo se u drugi krug glasanja.

Predstavnički dom, s 20 glasova „za“ (iz Federacije BiH 19, iz Republike Srpske jedan), 17 glasova „protiv“ (iz Federacije BiH pet, iz Republike Srpske 12) i bez „suzdržanih“ glasova, nije usvojio Mišljenje Komisije za finansije i budžet te se Zakon vraća Komisiji radi dostavljanja novog mišljenja Domu.

**Ad.14. Prijedlog zakona o Ustavnom sudu BiH, predlagač: poslanik Momčilo Novaković, zakon broj: 01, 02 – 02 – 5 – 93 /09, od 13. 10. 2009., s mišljenjem Ustavnopravne komisije**

Predsjedavajući je dao kratke uvodne napomene. Nije bilo rasprave.

„Za“ Mišljenje Ustavnopravne komisije glasalo je 20 poslanika (iz Federacije BiH 19, iz Republike Srpske jedan), 14 poslanika bilo je „protiv“ a jedan je bio „suzdržan“. Predsjedavajući konstatirao da nema dovoljne entitetske većine. Kolegij je odmah izvršio usaglašavanje i kako nije postinuta saglasnost, prešlo se u drugi krug glasanja.

Predstavnički dom, sa 22 glasa „za“ (iz Federacije BiH 21, iz Republike Srpske jedan) 14 glasova „protiv“ (iz Federacije BiH dva, iz Republike Srpske 12) i jednim „suzdržanim“ glasom, nije usvojio Mišljenje komisije te se Zakon vraća Komisiji radi dostavljanja Domu novog mišljenja.

#### **Ad.15. Izvještaj Zajedničke komisije oba doma o postizanju saglasnosti o identičnom tekstu Zakona o izmjenama i dopunama Zakona o sportu u BiH**

Predsjedavajući je podsjetio da je Zajednička komisija jednoglasno prihvatila pet amandmana koji su bili predmet usaglašavanja a koji glase:

##### **Amandman I.**

U članu 5. Prijedloga zakona o izmjenama i dopunama Zakona o sportu u BiH, koji se odnosi na član 28a. (Amaterski sportski klub invalidnih lica) iza riječi „sportu“ briše se ostatak teksta, a novi tekst glasi: „Republike Srpske, kantona, Brčko Distrikta BiH i drugim propisima iz oblasti sporta“.

##### **Amandman II.**

U članu 5. u dijelu koji se odnosi na „član 28b. (Profesionalni sportski klub invalidnih lica) u stavu (2) riječi: „entiteta i drugih nivoa administrativnog organiziranja“ brišu se, a umjesto njih dodaje se novi tekst koji glasi: „Republike Srpske, kantona i Brčko Distrikta BiH“.

##### **Amandman III.**

U članu 5. u dijelu koji se odnosi na „član 28d. (Sportski savez invalidnih lica) u stavu (1) iza riječi „entiteta,“ dodaju se riječi: „kantona i Brčko Distrikta BiH“.

U istom stavu iza riječi: „invalidna lica“ stavlja se tačka a ostatak rečenice briše se.

##### **Amandman IV.**

U članu 5. u dijelu koji se odnosi na „član 28d. (Sportski savez invalidnih lica) u stavu (2) iza riječi „odluka“ riječ „entitetskih“ mijenja se riječima: „Republike Srpske, kantona i Brčko Distrikta BiH“.

U istom stavu, u sintagmi „entitetskih saveza“, riječ „entitetskih“ mijenja se riječju „sportskih“.

##### **Amandman V.**

U članu 5. u dijelu koji se odnosi na „član 28d. (Sportski savez invalidnih lica) u stavu (4) iza riječi „entiteta“ dodaju se riječi: „kantona i Brčko Distrikta BiH“.

„Za“ Izvještaj su glasala 23 poslanika (iz Federacije BiH 13, iz Republike Srpske 10), 13 poslanika glasalo je „protiv“, a jedan je bio „suzdržan“. Predsjedavajući je konstatirao da je Dom usvojio Izvještaj Zajedničke komisije oba doma.

**Ad.16. Izvještaj Zajedničke komisije oba doma o postazanju saglasnosti o identičnom tekstu Zakona o kontroli vanjskotrgovinskog prometa robe i usluga od strateške važnosti za sigurnost Bosne i Hercegovine**

Predsjedavajući je rekao da je Zajednička komisija jednoglasno prihvatila tri amandmana koji su bili predmet usaglašavanja a koji glase:

**Amandman I.**

U članu 3. – Značenje i izrazi, mijenja se tačka k), koja glasi: “ k) Robu posebne namjene čine sva nevojna sredstva za komercijalne svrhe koja mogu ugroziti sigurnost BiH navedena u Listi roba posebne namjene”.

**Amandman II.**

U članu 4. stav (2) mijenja se i glasi: “(2) Ministarstvo, uz konsultacije s nadležnim državnim, entitetskim odnosno kantonalnim ministarstvima i organima Brčko Distrikta, donosi Listu roba posebne namjene i objavljuje je u “Službenom glasniku BiH””.

**Amandman III.**

U članu 15. stav (4) mijenja se i glasi: “(4) Uz zahtjev iz stava (2) ovog člana, obavezno se podnose dokumenti iz člana 7. stav (1) ovog zakona i nadležnog entitetskog organa, ili nadležnog kantonalnog organa ili nadležnog organa Brčo Distrikta”.

„Za“ Izvještaj su glasala 33 poslanika (iz Federacije BiH 23, iz Republike Srpske 10), nijedan poslanik nije bio „protiv“, a četiri su bila „suzdržana“. Predsjedavajući je konstatirao da je Dom usvojio Izvještaj Zajedničke komisije oba doma.

**Ad.17. Informacija Vijeća ministara BiH o stanju i preduzetim aktivnostima u BiH na preventivnoj zaštiti i borbi protiv virusa gripa A (H1N1)**

Predsjedavajući je napomenuo da je Ministarstvo civilnih poslova BiH dostavilo informaciju s napomenom da, zbog kratkog vremena i nemogućnosti zasjedanja, nije razmatrana na Vijeću ministara BiH. Kazao je i to da se Kolegij u proširenom sastavu opredijelio da se vodi rasprava o toj informaciji. U raspravi su učestvovali: Rifat Dolić, Selim Bešlagić, Mirko Okolić, Velimir Jukić i Mirjana Malić.

Zatim je Dom, bez glasanja, primio k znanju Informacija o stanju i preduzetim aktivnostima u BiH na preventivnoj zaštiti i borbi protiv virusa gripa A (H1N1).

**Ad.18. Izvještaj komisije Kolegija o nastojanju za postizanje saglasnosti o Prijedlogu rezolucije o historijskoj vrijednosti i važnosti Prvog zasjedanja ZAVNOBiH-a (25. novembar 1943.) za državnost Bosne i Hercegovine, predlagač: poslanik Denis Bećirović**

Milorad Živković kazao je da u Kolegiju nije postignuta saglasnost.

U drugom krugu „za“ Prijedlog rezolucije glasao je 21 poslanik (iz Federacije BiH 20, iz Republike Srpske jedan), „protiv“ 12 poslanika (iz Republike Srpske), a četiri su bila

„suzdržana“, te Dom nije usvojio Prijedlog rezolucije o historijskoj vrijednosti i važnosti Prvog zasjedanja ZAVNOBiH-a (25. novembar 1943.) za državnost Bosne i Hercegovine.

**Ad.19. Razmatranje zaključaka o smanjenju plaća i ostalih materijalnih prava poslanika i delegata u Parlamentarnoj skupštini BiH (usvojen prijedlog Denisa Bećirovića za razmatranje na nastavku 64. sjednice Doma, održane 7. 12. 2009.)**

Milorad Živković dao je kratke uvodne napomene, nakon čega nije bilo rasprave o ovoj tački dnevnog reda.

„Za“ prijedlog zaključaka glasao je 21 poslanik (iz Federacije BiH 20, iz Republike Srpske jedan), 15 poslanika bilo je „protiv“ a jedan je bio „suzdržan“. Predsjedavajući je konstatirao da nema dovoljne entitetske većine. Kolegij je odmah izvršio usaglašavanje i kako nije postinuta saglasnost, prešlo se u drugi krug glasanja.

Predstavnički dom, s 21 glasom „za“ (iz Federacije BiH 20, iz Republike Srpske jedan), 15 glasova „protiv“ (iz Federacije BiH tri, iz Republike Srpske 12) i jednim „suzdržanim“ glasom, nije usvojio zaključke o smanjenju plaća i ostalih materijalnih prava poslanika i delegata u Parlamentarnoj skupštini BiH.

**Ad.20. Izjašnjavanje o Zahtjevu Istražne komisije za provjeru navoda o raspodjeli CEMT dozvola za produženje roka za dostavljanje izvještaja**

Predsjedavajući Živković dao je uvodne napomene, nakon čega su u raspravi učestvovali: Beriz Belkić, Drago Kalabić, Martin Raguž i Selim Bešliagić.

S 36 glasova „za“ (iz Federacije BiH 23, iz Republike Srpske 13), bez glasova „protiv“ i jednim „suzdržanim“ glasom, Predstavnički dom usvojio je Zahtjev Istražne komisije za produženje roka za dostavljanje izvještaja do 30. 12. 2009. godine.

**Ad.21. Imenovanje Mirsada Salkića, diplomiranog inženjera elektrotehnike, za člana Državne regulatorne komisije za električnu energiju (prijedlog: Vijeća ministara BiH, akt broj: 03-28-1119/09, od 3.11.2009.)**

Nakon što je predsjedavajući Živković dao uvodne napomene, Dom je, s 30 glasova „za“ (iz Federacije BiH 20, iz Republike Srpske 10), jednim glasom „protiv“ i pet „suzdržanih“ glasova, imenovao Mirsada Salkića za člana Državne regulatorne komisije za električnu energiju.

**Ad.22. Imenovanje tri poslanika iz Predstavničkog doma u Zajedničku komisiju oba doma za usaglašavanje identičnog teksta Zakona o Agenciji za prevenciju korupcije i koordinaciju borbe protiv korupcije**

Predsjedavajući je u uvodnim napomenama kazao da se radi o zakonu koji su domovi usvojili u različitom tekstu, te da je prijedlog Kolegija u proširenom sastavu da se iz Predstavničkog doma imenuju: Adem Huskić, Drago Kalabić i Martin Raguž.

Dom je, s 30 glasova „za“ (iz Federacije BiH 20, iz Republike Srpske 10), jednim „protiv“ i šest „suzdržanih“ glasova, u Zajedničku komisiju oba doma za usaglašavanje identičnog teksta Zakona o Agenciji za prevenciju korupcije i koordinaciju borbe protiv korupcije imenovao: Adema Huskića, Dragu Kalabića i Martina Raguža.

**Ad.23. Imenovanje tri poslanika iz Predstavničkog doma u Zajedničku komisiju oba doma za usaglašavanje identičnog teksta Zakona o dopuni Zakona o službenom glasilu BiH**

Predsjedavajući je rekao da se radi o Zakonu koji su domovi usvojili u različitom tekstu, te da je prijedlog Kolegija u proširenom sastavu da se iz Predstavničkog doma imenuju: Salko Sokolović, Lazar Prodanović i Velimir Jukić.

Dom je, s 29 glasova „za“ (iz Federacije BiH 20, iz Republike Srpske devet), četiri „protiv“ i četiri „suzdržana“ glasa, u Zajedničku komisiju oba doma za usaglašavanje identičnog teksta Zakona o dopuni Zakona o službenom glasilu BiH imenovao: Salka Sokolovića, Lazara Prodanovića i Velimira Jukića.

**Ad.24. Imenovanje tri poslanika iz Predstavničkog doma u Zajedničku komisiju oba doma za usaglašavanje identičnog teksta Zakona o izmjenama i dopunama Zakona o ministarstvima i drugim organima uprave BiH**

Predsjedavajući je rekao da se radi o zakonu koji su domovi usvojili u različitom tekstu, te da je prijedlog Kolegija u proširenom sastavu da se iz Predstavničkog doma imenuju: Remzija Kadrić, Milorad Živković i Velimir Jukić. U raspravi je učestvovao Mirko Okolić.

Dom je, s 30 glasova „za“ (iz Federacije BiH 20, iz Republike Srpske 10), četiri glasa „protiv“ i tri „suzdržana“ glasa, u Zajedničku komisiju oba doma za usaglašavanje identičnog teksta Zakona o izmjenama i dopunama Zakona o ministarstvima i drugim organima uprave BiH imenovao: Remziju Kadrića, Milorada Živkovića i Velimira Jukića.

**Ad.25. Davanje saglasnosti za ratifikaciju:**

- a) **Štokholmske konvencije o postojanim organskim zagađivačima, Štokholm, 22. maja 2001.,**
- b) **Konvencije o privremenom uvozu – ATA Carnet, Istanbul, 26. juli 1990.**

Predsjedavajući Milorad Živković podsjetio je da je nadležna Komisija za vanjske poslove dala pozitivno mišljenje o sporazumima, nakon čega nije bilo rasprave.

Dom je, s 36 glasova "za" (iz Federacije BiH 23, iz Republike Srpske 13), bez glasova „protiv“ i jednim „suzdržanim“ glasom, dao saglasnost za ratifikaciju **Štokholmske konvencije o postojanim organskim zagađivačima, Štokholm, 22. maja 2001.**

Zatim je jednoglasno, s 37 glasova „za“ (iz Federacije BiH 24, iz Republike Srpske 13), dao saglasnost za ratifikaciju **Konvencije o privremenom uvozu – ATA Carnet, Istanbul, 26. juli 1990.**

Time je realiziran dnevni red.

Predsjedavajući je, na kraju sjednice, napomenuo da je 67. sjednica zakazana za 30.12. 2009., ali da postoji mogućnost i ranijeg sazivanja sjednice, ako stigne Prijedlog zakona o Budžetu BiH i međunarodnim obavezama BiH za 2010. godinu.

Čestitao je božićne praznike onima koji ih slave.

Sjednica završena u 19,25 sati.

Sastavni dio Zapisnika je transkript 66. sjednice Predstavničkog doma.

SEKRETAR  
PREDSTAVNIČKOG DOMA  
**Branka Todorović**

PREDSJEDAVAJUĆI  
PREDSTAVNIČKOG DOMA  
**dr. Milorad Živković**